

U P U T S T V O

o načinu predlaganja kandidata za članove savjeta mjesnih zajednica (MZ)

Ovim uputstvom pojašnjava se način predlaganja kandidata za članove savjeta mjesnih zajednica, sadržaj kandidatske liste i način dostavljanja iste.

Gramatička terminologija u pogledu korištenja muškog ili ženskog roda za pojmove u ovom uputstvu uključuje oba roda.

I. Kandidati za članove savjeta mjesne zajednice

I

Kandidati za članove savjeta mogu biti građani koji imaju prebivalište na području mjesne zajednice za čiji savjet se predlažu.

Prijedlog kandidata za članove savjeta mjesne zajednice (u daljem tekstu: kandidatska lista) mogu podnijeti: građani, političke stranke i druge organizacije i udruženja koja djeluju na području mjesnih zajednica, vodeći računa da predloženi kandidati imaju prebivalište na području mjesne zajednice.

II. Sadržaj kandidatske liste

II

Prijedlozi kandidata za članove savjeta mjesnih zajednica podnose se na propisanim obrascima i to:

1. Obrazac broj 1. – ako su predlagači građani (grupno ili pojedinačno)
2. Obrazac broj 2. – ako su predlagači političke stranke i druge organizacije i udruženja koja djeluju na području mjesnih zajednica.

III

Ako su predlagači građani (obrazac broj 1) kandidatska lista mora sadržavati ime i prezime predlagača, adresu stanovanja i JMB predlagača. U tabelarnom dijelu kandidatske liste potrebno je ispuniti podatke koji se odnose na kandidate koji se predlažu i to: ime, ime jednog od roditelja i prezime kandidata, adresu stanovanja, nacionalnu pripadnost, spol i oznaku mjesnog područja za koje se predlaže kandidat.

Kandidatska lista mora biti potpisana od strane svih predlagača.

IV

Ako su predlagači političke stranke i druge organizacije i udruženja koja djeluju na području mjesnih zajednica (obrazac broj 2) kandidatska lista mora sadržavati naziv predlagača, sjedište/adresa te u daljem tabelarnom dijelu kandidatske liste potrebno je ispuniti podatke koji se odnose na kandidate koji se predlažu i to: ime, ime jednog od roditelja i prezime kandidata, adresu stanovanja, nacionalnu pripadnost, spol, te oznaku mjesnog područja za koje se predlaže kandidat.

Kandidatska lista mora biti ovjerena pečatom.

V

Uz kandidatsku listu obavezno se prilaže izjava o prihvatanju kandidature za člana savjeta koja treba biti popunjena sa podacima koje se traže na izjavi.

VI

Prilikom predlaganja kandidata za članove savjeta mjesnih zajednica mora se voditi računa da sastav kandidatske liste odražava približno nacionalnu strukturu, zastupljenosti spolova i područja mjesne zajednice.

III. Dostavljanje kandidatske liste

VII

Predlagači kandidata za članove savjeta obavezni su svoje prijedloge dostaviti na obrascima kandidatske liste sa izjavama, Komisiji za provođenje izbora za savjete mjesnih zajednica u Gradu Zenica, putem protokola Gradske uprave najkasnije do 25.09.2025. godine.

Predsjednik Komisija za provođenje izbora za savjete mjesnih zajednica



H. Rešid

Rešid Hadžić